



Kad bi vidio mlada, kazao bi: "Allahu, neka nam mlada dođe sa sigurnošću i imanom!"

Talha b. Ubejdullah, radijallahu anhu, prenosi da bi Allahov Poslanik, sallallahu alejhi ve sellem, nakon što bi ugledao mlada, rekao: "Allahu moj, neka nam mlada dođe sa sigurnošću i imanom, sa mirom i islamom! Moj i tvoj Gospodar je Allah, ti si mlada upute i dobra!"

[Vjerodostojan] [Hadis bilježi Ibn Ebi Šejbe - Hadis bilježi Tirmizi - Hadis bilježi imam Ahmed - Hadis bilježi Darimi]

Talha b. Ubejdullah, radijallahu anhu, obavještava nas da je Allahov Poslanik, sallallahu alejhi ve sellem, kad bi ugledao mlada, prve, druge ili treće noći po njegovom pojavljivanju, izgovarao ovu veličanstvenu dovu, kojom se moli Uzvišeni Allah da mlada ukaže sa sigurnošću i bez straha po vjeru ili dunjaluk, da u novom mjesecu učvrsti iman i zaštiti ga od svega što mu može naštetiti. Ovom dovom traži se od Uzvišenog Allaha da sačuva islam, da podari sigurnost od svakog zla, odnosno da odagna sve što šteti čovjeku, njegovoj vjeri i imanu, a da podari sve ono što koristi i njemu i njegovoj vjeri i imanu.

<https://sunnah.global/hadeeth/bs/show/6177>

